



Crisis Theologica

Cárdenes, Juan de

Sevilla, 1687

Cap. V. Examinatur alia opinio media circa obligationem confitendi
consuetudinem.

[urn:nbn:de:hbz:466:1-75689](#)

quandoque poenitens interrogatus de proposito, ita tepide annuit, ut manifestum sit, illud invite respondere. Certe cum postulo aliquid a divite, & video illum tepide promittere, valde dubito de animo donandi postulata. Deinde peccatores, qui toto anno in consuetudine luxuriandi versantur, & si abundant prudentia huius saeculi; in rebus tamen salutis aeternae stolidissimi sunt, ita ut sibi videantur satisfacere confessario interroganti de consuetudine, si verbo tenus proponant, quamvis habeant animum persistendi in suis perditissimis moribus. In his ergo, & similibus casibus, quomodo credet confessarius statim, dicenti, se habere contritionem, & propositum. Cum ergo Theologi dicunt, confessarium debere credere paenitenti testificanti de sua contritione, & proposito, intelligendi sunt, quando nulla occurrit ratio dubitandi.

42. Ego sane multa experientia comperi, homines luxuriae deditos, cum ad confessionem accedunt, & de proposito non peccandi interrogantur, vehementer desperare de sua emendatione; & sic summe impediti ad habendum propositum, quod non sperant implere: ita ut aliquando non parum laboraverim, ut constituerem eos in spe emendationis, & sic ad propositum reducerem. Non est ergo universaliter verum, quod confessarius debeat credere statim poenitentibus, ut cumque dicentibus, se paenitentem, & proponere.



CAPUT V.

*Examinatur alia opinio media
circa obligationem confi-
tendi consuetu-
dimem.*

SUMMARIUM.

Discrimen inter virum doctum, & rusticum in ordine ad confitendum consuetudinem peccandi. n. 33.

Fundamentum sententia negantis viro docto hanc obligationem. n. 34.

*Inest, & huic viro talis obligatio. n. 35.
Vix doctus potest decipi ab habitu pra-
e consuetudinis. n. 36.*

*Sæpe vir doctus passione illectus repu-
tat probabile, quod tale non est.
num 37.*

*Etiam respectu viri docti debet confes-
sario constare de dispositione ad ab-
solutionem. n. 38.*

*Quandoque vir doctus tenetur respon-
dere interroganti de sua consuetu-
dine. n. 39.*

33 **P**ater Moya tom. 1. tract. 3. disp. 3. quæst. 5. cap. 2. §. 2. concepit hominibus rusticis, & indoctis inesse obligationem confitendi consuetudinem peccandi, si interrogantur a confessario; hominibus vero doctis, si certo cognoscant, se non indigere directiore confessarii, non inesse eam obligationem; addit tamen limitacionem mox subiiciendam. Quod confirmat ex P. Dicastillo de Poenit. *Dicast.* disp. 3. dub. 21. vbi afferit, sequendam esse communem sententiam de consuetudine confitenda, nisi evidenter confitetur, confessarium frustra interrogare. Cum ergo viro docto, id posse evidentissime constare, in tali casu non tenebitur respondere. Confirmat etiam ex P. Gaspar Hurtado de Hurt. *Hurt.* *Ssss* *Pœ.*

Baun. Pœnit. disp. 9. diff. 4. & ex P. Baunio in Theolog. morali part. 1. tract. 4. de Pœnit. quæst. 15. dub. 12. sed hi duo maiorem super addunt limitationem.

Leand. Item ex Leandro à Sacram. tom. 1. de Pœnit. tract. 3. disp. 8. §. 7. quæst. 21. qui cum doceat oppositam sententiam, eam limitat, dicens: *Secus autem dicendum, casu quo pœnitenti confessetur, indigere directione confessarij ad præcavendum peccatum in futurum.* Vbi P. Moya immediate subiungit: *Addo ego, (vel saltem dubitet de huiusmodi indigentia) quia si dubitans non respondet, se exponet periculo peccandi; quia ex conscientia practice dubia veritatem occultat.*

34. Et hæc sententia potest robatur ex ipsis fundamentis, quibus nostram sententiam confirmavimus. Ideo enim pœnitens interrogatus tenetur fateri consuetudinem, quia id solet oportere ad explorandum propositum emendationis, & adhibenda remedia pro emendatione futura: sed pœnitens doctus potest evidenter cognoscere, nihil horum deficere: ergo pœnitens doctus, si id evidenter cognoscat, non tenetur fateri consuetudinem.

35. His non obstantibus censeo, hanc sententiam non esse admittendam ad proxim. Probatur primò Ideo enim tenetur pœnitens interrogatus fateri consuetudinem, quia confessarius vult sibi satisfacere de proposito pœnitentis: sed nihil prodest evidentia viti docti, qua cognoscit, ipsum non indigere directione confessarij; ad hoc ut confessarius sibi satisfaciat de proposito pœnitentis; nam evidentia pœnitentis, quantumvis viri docti, non satisfacit confessario, sed notitia propria, quam per suas interrogations conatur comparare: ergo etiam si pœnitens sit vir doctus, & sciat se esse bene dispositum, & non indigere directione confessarij, adhuc interroga-

tus tenetur fateri consuetudinem.

36. Probatur secundò. Nam si pœnitens, quamvis sit vir doctus, si habet consuetudinem peccandi, v.g. se polluendi, aut mechandi, aut jurandi falso, aut detrahendi in materia gravi; absque dubio habet conscientiam laxam, & facile sibi persuadebit, se habere evidentiam de recta sua dispositione; cum fortasse in eo decipitur: ergo eo ipso, quod habeat tam depravatam consuetudinem, debet timere, ne philautia eum decipiat.

37. Probatur tertio. Constat enim esse aliquos viros doctos, qui admittant opiniones improbabiles, & quæ conscientiam non relinquunt lecuram. Vir doctissimus fuit Ioannes Santius: & tamen sustinuit opiniones, quas prius privata sua autoritate reprobabant Theologi; deinde auctoritate Romanæ Cathedræ damnatae sunt. Vir doctissimus fuit Caramuel; & propugnavit opiniones, quæ eisdem censuras subiere. Non est ergo condendum indefinite viro docto, quod possit negare responsionem ad interrogata de consuetudine; qui forte ad eam taciturnitatem ducitur opinione improbabili: quod multo magis timendum est in eo viro docto, qui in veterata peccandi consuetudine persistit; cum depravata consuetudo, & philautia iudicium hominis obnubilat.

38. Ad fundamentum partis oppositæ respondeo ex dictis, concilia Maiori, & Minori. negando consequētiā: nam ut confessarius exploret, quale sit propositum pœnitentis, & circa firmitatem eius sibi satisfaciat, nihil prodest, quod pœnitens vir doctus sciat, se esse bene dispositum, & non indigere directione confessarij; requiritur enim, quod confessarius id cognoscat. Illud potest concedi viro docto, quod vbi viderit confessarium frustra interrogare, ostendat huic, qua-

Moya. ratione non sit necesse in hoc casu peculiari interrogare de consuetudine, & simul ei satisfaciat de firmitate sui propositi. Et hæc videtur esse limitatio eius opinionis, quam apponit P. Moya, vbi supra num. 16. vbi cum dixisset, rusticos, & indoctos interrogatos de consuetudine peccandi à confessario, teneri illam explicare, subiungit: *Sicut viri docti, qui aque ac ipse confessarius, & quandoque magis, rem penetrant, quibus proinde constare potest nulla confessarij directione indigere; illumque certiorem possunt redere, nullum desiderari ex requisitis, ad licitam, validamque absolutionem.* Sed ego, ut formalius explicem mentem meam non dico, illumque certiorem possunt facere, &c. Sed appono tamquam conditionem actualem, dummodo certiorem faciant actualiter confessarium, nullum desiderari ex requisitis ad licitam, validamque absolutionem.

39. Ex dictis igitur concludo, numquam concedendum esse absolute, quod penitens vir doctus interrogatus de consuetudine non tenetur respondere. Nam vel vir doctus vi doctrinæ sua satisfacit, & suadet efficaciter confessario, non esse necessarium explicare consuetudinem; vel non suadet efficaciter. Si secundum, respondere tenebitur, ut probant huc-
isque dicta. Si vero suadet efficaciter confessario, id non esse necessarium; iam confessarius cef-
sat ab interroga-
tione.



DISERTATIO XXXVIII.

*An ratione magni concursus pœnitentium liceat absolve-
re dimidiate con-
fessos?*

CAPUT I.

*Præmittuntur aliqua, & refe-
runtur Sententiae.*

SVMMARIVM.

*Proponitur propositio damnata. num. 1.
Divisio integræ confessionis in mate-
rialiter, & formaliter talem. n. 2.
Formaliter integritas per se necessaria
est. n. 3.*

*An magnus concursus sit sufficiens cau-
sa non ponendi integritatem mate-
rialem. num. 4.*

*Doctorum opiniones varie. num. 5.
Fundamentum pro parte affirmativâ.
num. 6.*

1. **P**ropositio. 39. damnata hæc est: *Licit sacramentaliter ab-
solvere dimidiate tantum confessos, ra-
tione magni concursus pœnitentium,
qualis v. g. potest contingere in die
magna aliquid festivitatis, aut indul-
gentie.* Sensus autem propositionis est, quod sicut negari non potest, esse aliquos casus, in quibus ob aliquam causam necessariam licitum est dimidiare confessionem sacramentalem; ita in magno concursu pœnitentium est causa necessaria ad dimidiandam confessionem, quod omnes pœnitentes, qui concurrunt, possint confiteri; quia alioquin si omnes integrè audiantur, multi abibunt absque cōfessione.

Ssss 2 No-